



Na osnovu člana 64. stav (1), tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14 i 59/22), te člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 28/97 i 26/02), na preporuku Komisije za javnu nabavku opreme za Službu za zaštitu i spašavanje sa visina u Zapisniku o pregledu i ocjeni ponuda, broj: 15-11-8-7494-11/23 od 21.08.2023. godine, direktor Kantonalne uprave civilne zaštite, donosi:

## ODLUKU o izboru najpovoljnijeg ponuđača

### Član 1.

Prihvata se Preporuka Komisije za javnu nabavku opreme za Službu za zaštitu i spašavanje sa visina, i dodjeljuje se ugovor za javnu nabavku opreme za Službu za zaštitu i spašavanje sa visina ponuđaču "ABC SPORTING" d.o.o. Banja Luka, za ponuđenu cijenu u iznosu od 12.500,00 KM bez PDV-a, odnosno 14.625,00 KM sa PDV-om.

### Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i u skladu sa članom 70. stav (6) Zakona o javnim nabavkama objavit će se na web-stranici [www.czusk.ba](http://www.czusk.ba), i to istovremeno s upućivanjem iste ponuđačima koji su učestvovali u postupku javne nabavke.

### Obrazloženje:

Postupak javne nabavke pokrenut je Odlukom o pokretanju postupka javne nabavke, broj: 15-11-8-7494-2/23 od 12.07.2023. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a iznosi 12.500,00 KM. Na Portalu javnih nabavki je objavljeno Obavještenje o nabavci, broj: 6518-7-1-14-3-8/23 od 18.07.2023. godine. Ispravka za obavještenje o nabavci: 6518-7-1-14-8-10/23 od 07.08.2023. godine.

Po isteku roka za podnošenje ponuda, evidentirano je da su blagovremeno zaprimljene dvije ponude, i to:

Broj protokola	Naziv/ime ponuđača (šifra)	Datum i sat prijema
15-11-7494-9/23	"Fire Trade" d.o.o. Srebrenik	07.08.2023.godine (10:00)
15-11-7494-10/23	"ABC SPORTING" d.o.o. Banja Luka	18.08.2023.godine (07:58)

Neblagovremeno pristiglih ponuda do javnog otvaranja u ovom postupku nije bilo.

Uvidom u priloženu dokumentaciju i suštinsku provjeru sadržaja i validnosti dokumentacije, Komisija je utvrdila da su zaprimljene dvije ponude, te da je ponuda ponuđača

"ABC SPORTING" d.o.o. Banja Luka prihvatljiva, ponuda ponuđača "Fire Trade" d.o.o. Srebrenik ocijenjena kao nepravilna.

Naime, ponuda ponuđača "Fire Trade" d.o.o. Srebrenik se odbija jer ne sadrži sve potrebne podatke koji su traženi tenderskom dokumentacijom, Aneksom 3 – Obrazac za cijenu ponude sa tehničkom dokumentacijom. Iz dostavljene dokumentacije se ne vidi postojanje minimalno jednog nožnog polusuhog džepa kod ponuđenog suhog odijela, nije navedeno u opisu i nije vidljivo iz fotografija – kataloga.

Tačkom 3.4.1. pod b) TD-e je određeno da će se ocjena tehničke i profesionalne sposobnosti ponuđača izvršiti na osnovu dostavljenih dokaza - opisa i/ili fotografija (kataloga), odnosno tehničke dokumentacije za svu robu, koja sadrži sve informacije na osnovu kojih je moguće provjeriti usaglašenost sa tehničkim zahtjevima. Iz dostavljene dokumentacije mora se vidjeti zadovoljenost svih parametara traženih TD-om". Kako je navedeno, iz dokumentacije dostavljene za suho odijelo, ponuđača "Fire Trade" d.o.o. Srebrenik se ne vidi zadovoljenost svih parametara traženih TD-om.

S obzirom na to da je za predmetnu nabavku proveden konkurentski postupak, kao i to da je dostavljena samo jedna prihvatljiva ponuda koja ispunjava sve uvjete iz tenderske dokumentacije, kao i uvjet da joj je vrijednost unutar planske vrijednosti ugovornog organa, e – aukcija se ne provodi, te je Komisija jednoglasno dala prijedlog direktoru Kantonalne uprave civilne zaštite da donese odluku o dodjeli ugovora ponuđaču "ABC SPORTING" d.o.o. Banja Luka.

Vrijednost ponude za ugovor bez PDV-a je 12.500,00 KM, iznos PDV-a je 2.125,00 KM, ukupna vrijednost ponude sa PDV-om je 14.625,00 KM

Cijeneći navedeno, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od pet dana od dana prijema iste i to u pisanoj formi i u dovoljnom broju primjeraka, a koji ne može biti manji od tri.

Broj: 15-11-8-7494-12/23

Datum: 22.08.2023. godine.

  
DIREKTOR  
Dževad Džvaković, prof.